

# ZRZESZ KASZĘBSKŌ

CZĄDNJIK  
KASZĘBSKJICH ZAJMOV



V MJONO BOSKJI  
NORODNI VZENJIK

Vědovajaci i redaktor wodpovjedzalni:  
IGNACY SZUTENBERG — GDYNIA  
ul. Świętojańska 16.

»Zrzesz Kaszëbskŏ« wëchodŏ 1 roz v mjesaci. Przedplatnŏ je rocznje 3.00 zł; kwartalno 0.75 zł. Czadk 25 gr.

NR 3

KARTUZE Strumjannjik 1938 r.

ROK VI

## Szlachota norodniho Wodce decha Kaszebov sp. dr med. Aleksandra Majkovskjiho

Wumar! To krotechni słowo kulež jednak jivru chternji v svjadze svojevch zgrovov mjelë znankovni dovo sercom! Čali Kaszebe chlechaję poceskli grę-jech cel znijicovanjiho deje młodokaszebov. Do te

dim smutkem po smjerce svojoho Wodce sp. dr med. Aleksandra Majkovskjiho. Wumar nom Wodca najiho decha wumar i njimosz Go midze nama, žebe głosę skozivoł drožeszeze zblądzonim. Dzeń Jeho smjerce 10 gromjicznjika i Jeho pogrzebu 14 grom. na vjedno ju wostanę v najech sercach. 10 gromjicznjik to zamknjęcë korte proce dregjiho pokolenjiho — 14 gromjicznjik to wusk słodni statecznotë, historeje decha.

Žećë sp. dr Majkovskjiho belo grędi. Grędi dlote, že belo v zgrovach co do Kaszebjiznë postępnim vatkem Cenovë. Woba te Deche v jeden mol mjałë zvarconi wocze, jednimu dejalovji služelë: Kaszebom, strzimanjimu gijnęci kaszecjiznë — praželë woczeszczec zanjikvjona skar-nję Rodni Zemji. Cenova, jiže nje naloz rozmjenjë v norodze polskjim szed dukte tej czasu nje cezim polskjim navetka zgrovom; ko barnjŏ słovjeńszczeznę przed morzë germańskjim! Tu je parlęcz dvuch Nobelneszech Kaszebov, Cenovë i Majkovskjiho.

Sp. dr Majkovskji mjoł te same bjotkji, te same parte politeczni z njevjidnote spravë zamikałë Mu drogę v Jeho turzenju (działaniu). Cvjardi beł równak!

Zgardzenjim wodpłocŏł sę przecznjikom, pocore venjik naj wobdzarti zabecim najech dzejev,



Sp. dr med. Aleksander Majkovskji

ješz vjici zgrovelë Njemce, co vjidzelë v młodokaszebach zapolińcov spravë polskji. Posvjicenjë sp. dr Majkovskjiho, Jeho zvjarcë Kaszebë bełe rovnak vjikszi, njigle chebni słowa vrzeszczajkov separate-znu. Ta moc decha, to wuparcë služenjŏ svojimu ledovji, jak rozmjŏł, jak diktovało Mu wulubjenjë deje, przesztoderovanjë historeje naji i snožno noroda wupchliho, zanjikvjoniho vałę germańskjiho raku — krzosa v Njim moc turzenjiho, bjotkovanjë tak dlo Kaszebjiznë, jak i polskoscë. Jeho curriculum vitae dovo nom belnę szlachotę Vjalgjiho Kaszebë, knjeza decha, vortniho spac snę vjeznim przë Svjętopŏlkovji wodlevjice!

Sp. dr Majkovskji wurodzel sę v Koscerznje 17. VII. 1876 r. Gimnazeję skuńczel v Chojnicach. Medecinę sztodereje v Berlinje, chterens czas bivŏ v Griffji. Skuńczel medecinę v Monachjum. Praktikę naczał ve Gdińsku jakno asistenta bolećë. Rozpoczino sę proco javernŏ, przëgotovano sztoderovanjim nad Kaszebjiznę. Szneprovoł jakno sztodera po archivach Krolevca, Berlina, Gdińska tam dzele mog cos zvenegovac, be wobstrojec v stateczni



wupchnęćim. Gduńsk, Sopote, Śląsk, Koscerzna, Kartuze, cali Kaszebe to szlach proce doktora i pji-sorza. Vzał sę do nji belno z calim zapoliństvē młodiho decha. Vjedzoł, że gazeta nolepji trofjo do checzov, wobjimo vjic redakceję Gazetę Gduńskji, do chterni dodovo dodovk Družba. Jakno doktor v Koscerznje vėdovo Grifa, cządnik dlo zajmov kaszebskich. Worgon Stovarę Młodokaszebov. V cządnikach Grifa vjidzimę zvjartą starę kole dvjiganjō naji rodovjisti kulterę. Ta blisko czvjerc vjekovo proca przę Grifje dokoza svoje: wuvzęcę Kaszebjiznę Cenovę gvesnjej postovja na woparcu szerszim młodokaszebov i Polskji, zbudova most wod zabeti Slodę do vjidnavi Przechodę. Kuleż jednak mokleznę, zapjarcioho kosztalo sp. Wumarliho, żebe głoavnę rozzólec v ten płom, chteren dżiśi goro! Grif bjotkovoł wo svoje žerę, leno njevjidnota samech Kaszebov kana mu njeroz procem i vėpravja, że njimog tak rozpjehac komudę, jakbe mog przę vespjerze žeczlevěch. V Grifje vjidzimę naczęcę belnjeszę procę leterarni. Zoczatk ji to jesz lovka szkolovō. Pjisanję v svojim brzodovanju dało belni dokoze. A nje woprzestovo Majkovskji pji-sac choci ręka dęrži, sele wopuszczivaia, bo wono belo Jeho jistą. Z młodszech czasov momę komedejke „Jak v Koscerznje koscelniho wobrelę“ (przerobjonō v wostatnim času), dali vėdani v Poznaniu (1905) „Spjeve i frantovkji“. Kjile spjevov przėnoszaja vstec cządkji Grifov. — Przevodnjik po Kaszebach drekovani ve Varszavje v dvuch dzelėkach (I. Ogólne wiadomości o powiecie kartuskim i zdrojach Raduni — II. Zwiedzenie zdrojów Raduni i powiatu kartuskiego) je z vjalgą starą dlo vanożnjika napjisani. Tak samo vjele vortni je Przevodnjik po Kaszubskiej Szwaicarii. Wokoma te pji-sze sp. dr Majkovskji rozmaiti artikjele, recenzje, novelkji. Podovo bajkji kaszebskji (Grif). Przekaszebjivo z ruskjiho Puszkina bajkji. V całosce žęcę, choci v grėdze, belo podobą (wzorem) žėviho turzeniō.

Koscerzna (wo chterni vstec vszėdze nadpomiko) to vjkszo połova przederchaniho duktu procę. Tu proceje nad „Remusem“ i historejā. V procach woglovech vėdavov vjidzimę v sp. dr Majkovskjim belniho publicistę, kriteka wo kaszebską statecznosc i provdę — poetę-pjisorza, historeka kaszebskjiho i etnografa. To vszėdno mdze gonę monografa, na chterniho ždō Majkovskji i całō Kaszebjizna.

Dlo naji leteraterę proco sp. dr Majkovskjiho je baro vjolgji mjare. Svjāda ji, „Remus“, to naczęcı novi erę leteraterę kaszebskji. Pjerszi krokji vev spjevach stovjo jak Derdovskji. Ale penetrovanję i lingvisteka, chternę tež sztoderovoł, vnetka wodkrełę Mu snożnję najiho jęzeka i koza apartnotę dozerac. Pjisovnję Cenovę nje wuznoł za skuńczonā. Tvorzi vjic ji prostsza formę dlo Kaszebę, sztołconio na polskji gazece i kozanju koscelnim. „Remus“ je pravje pji-sani v ti wulepszoni pjisovnje.

Dokoze najiho Wodcę stovjaja Go jakno dregjiho Nobelnesziho Kaszebę v dziejach decha. Cenova jakno pjerszi nje bel takjim pji-sarzę jak Majkovskji, chteren dokuńczel to, co pjerszi mjol gves v wudbje. Autor „Remusa“ wuvjecznjel sę v leteraterze naji bez to, że podvjignol ję na vėszavę artesteczni vortoscę — doł nama norodną povjesc, spjevę decha

z kórzenję głėbok zapusconim v ledze. Mickiewicz, Sienkiewicz tež delę to Polsce!

**Žęcę i Przigiode Remusa**, z chterniho dzěl pjerszi Na Pustkovju je vėdrekovani (całosc 3 dzele vėdovo Z. M. K. „Stanica“ v Tornju), to žęcę, roscenję vsebotu kaszebskjiho v przesnozi formje artesteczni kaszebskji bajkji. Stil, to szemar lirovi strenę, szorzenję kolpjov zakłėtiho zomku — to desza Majkovskjiho całō vseczęjaco, mjitkō, chlėchajacō... Dejo rodnō njeskazetlnō sējō z „Remusa“, goro v szaturze Jozva i wukozkji gromjisti na zomkovjiszczu, kjej Jozva v trēmje vjozlę zaboczobim drożeszczem na smętorz. Majkovskji-Remus go-do do naju njesmjertelni! Testameńt nom wostovjo!

Jinā skarń wotroczeniho vseczeco dlo Tatczeznę skozivo **Historejo** (Historia Kaszubska czyli Pomorska — v dreku)! Dokoz jakjiho jesz njigde njima, chteren bę sę njijak njepokozol bez Majkovskjiho-historeka. To dzeje nasze, nasze kaszebskji dzeje, chterne jesme v kam zabelę, jiže nom cezińc je zanjikvjol v rejnjenju i budovanju państvov. Buchę zōs nom rodovjistā varcel Won jeden, jedurni z Kaszebov!

Dva te dokoze gromjisti, to naczęcę naji ere decha. A teho decha to z ledu, z te zdrowiho pjervoto, co zawostol z pobjitve dzejov, doł nom sp. dr Majkovskji, nasz Wodca i Vjalgosce Kaszebskji Człovjek. Chto z rozemnech Kaszebov przeczeto „Remusa“, ten z lizā vev woczach rzecze bjijaci sę v pierse: mea culpa! Oh, moja baro vjalgo vjina, Mestrel!

Procovoł sp. dr Majkovskji nje leno pjorę. Choci mjol procemnoscov vjele nje woprzestovoł. Wojna zepsela Mu zdrowji, a v Polsce wodpojęti (wyzwol.) znoszol nje jeden kamjin, a rovnak varol vjerno przę svojim dejale!

Majkovskji jakno społėcznjik to skoz na vjedno zgrovajaciho decha, pražaciho služec Polsce przez wodrodę Kaszebov. V latach sztoderskich vjidzemę Majkovskjiho v Pomorsce. Je v Gritiji. Tam to v budinku wuniversityckjim zbudzel sę czesto Jeho Dech, vjęrę zavoželo wo vjalgji mesłę napjisaniho historeje. To bel dzeń rocznē vėbudovanjō ni szkole. Na budinku wuniversityckjim ferkota stanjica z Czornim Grifę. Bene zdrzałę szature naj knjezov, pamjatkji chvalę. To zreszeło deszę młodiho sztoderę i tej to pojał głėbjā gvosni deje. V tim samim mjesce stojol przed sądę za to, że wuczel hene Polochov polskji historeje i jęzeka, wuczel jich czetac i pji-sac. Bel ze szkole za to venekani i nji mjol bee przjęti ve vszėtkjich njemjeckijch wuniversitytach! V całosce Niemce bele tak zvjarti na Majkovskjiho, że zovelę Go „deutscher Verräter“. To przekovanję sę Niemcom nje dało Mu zvesku, a szkodzeło! Leno nje szło vjalgimu Kaszebję wo markji njemjeckji. Retol słovjańskosc Kaszebov przed zanjikvjenim dechę germańskjim. V Sopotach proceje nad budzenjim Kaszebjiznę. Je na konferencjach panslavistecznych v Pradze i Sofji. V gardze kaszebskim ve Gduńsku zakłodo muzeum starosvjeczczeznę kaszebskji. Leno njechanję z njerozmjenjiho sprovjo, że pjėkni ten dokoz gjinje. Po vojnje vjidzimę sp. dr Majkovskjiho v Radze Ledovi v Sopotach, tej jakno komjisorza



polskjiho v komiseji dlo včignjenjô greńcov z Njemcama na Pomorzim. Zakłodo procemseparateteczną Radę Pomorską dlo proce nad gvesnjeszim vparłeczenjim Pomorziho v greńce wodpojiwajáci sę (wyzwalającej) Polskji. V Koscerzje wodnovjo vėdov Grifa, chteren rovnak znovuszku natrafjel na mur njivjidnotě i złe volě. Beł Grif rovnak cządnjikę wo vjalgi vortosce. Kole nje zrzeszivelě sę nobel-njeszi głowe młodokaszebov. Toteż jeha rocznjikji belno zavożałě ve Versalu wo zdanjim Pomorza z Polską!

Vspominając hevo wo Grifiji, to tak pjsze vasta Feliks Marszółka, sekretarz wosobjisti v wostatnych latach sp. dr Majkovskjiho:

„Pjilovni wobzerca tech pamjatkow wostalech a jesz nje poznanech i vjidzanech spostrzegoł i naleziwoł historeję swojch przodkov. Rozem i serce nalazłě zdroj novi vortosce, chterni ju v postępnach latach, po skuńczenjim studijov, będze służeł do wostatka. To beł jeden voźni moment, Grifjô z pamjatkama pomorskji kulterě, v chternim se zaczińoł wodzevac Kaszeba-Pomorzon”.

„Dregjim epizodę, chteren beł moze barzi emocjonalni, to wokozanjé pomjonnjoka (pennika) Mickiewicza przed wojną v Varszavje. Refleksje tech dwuch fragmeńtov baro zavożelě i zdovô sę zdecydowałě wo Jeha dejovim kjerunku. V takjim to sensu wodpovjodoł, kjej jem sę vėpetovoł wo tim, kjej stoval sę Kaszeba”.

„Kaszebjizną pierszi roz zetknał sę jesz v latach gimnazjalnych przez — Derdovskjiho, le v pozdniejszi evoluciji jakno literat i czenni v proce społeczni z Derdovą meszlenotą zervoł. Autor „Remusa“ ju nje povożoł autora „Koscelniho“.

V wodpojęti Polsce mjeszko ju sp. dr Majkovskji v Kartuzach (1921 r.). Dokuńczivô svoje dokoze: historeję i „Remusa“. Wokoma te mjevo wodczete (wo Arkonje), proceje jakno prezes Zrzeszenjjiho Regionalniho Kaszebov, chterno rozszerčivalo sę na povjat. Le zdrovji coraz słabszi nje dovało procovac jak mjoł v wudbje. Rozvjazało sę Zrzeszenjé, a sp. dr Majkovskji woddovô sę czesto proce leterarni. V wostatnych czasach pjsze v „Zrzeszë Kaszebskji“, dlo chterni mjoł vjalgą żeczlevotę — v „Tece Pomorskji“, kulteralni cządnjik Z. M. K. „Stanica“ v Tornju i v gazetnjictvje pomorskjim (Dziennik Bydgoski). Wużeranjé rozmajitiho ortu nje dałě Mu możnotě vėprocovac te, co noseł v bogati desze.

To co zrobjel dlo Kaszebov i Polskji nje do sę hevo v tim boczenju posmjertnim napjsac. Mog be so spjevac nje le Odi profanum... ale:

„Exegi monumentum aere perennius  
regalique situ pyramidum altius...”

V najeich sereach vestavjel so pomjonnjok, chteren ju nje znjiceje drdza, anji zębjiszczę czasu... Nje wumar cali! Svoją jistą Njesmjertelniho Decha wostanje gromjistą skrą Ormuzda na Rodni Zemji i vev rodnych sercach.

Jesme dżaczlevi i dżekujemë Wodce najimu, że nje vzeroł na lud svoj wokę „wuczoniho“, ale deszą, tą deszą, chterna sę znjicova (spaliła) v lubjenjim

wostatka Vjalgi Pomorskji i vėspjeva jeji chwałę, vjalgosc zabetą.

Szed pod Dzarń Lubotną na wodpoczink po grędim tredzenju jak knjez — przėkreł Go Grif skrziłłama Czornima i wunjos Decha ve vėsavni tur. Wostavja nama skrę Ormuzdovo skra, spola sę, be wusknąc jak mołno, grzėmotnac jak grom, i porejnec zmurszałi grobe cemżę — Won vjid wusknęciho dzejov, Won Ormuzdovô Skra vjeznô!

Jidę! — rzek Remus.

— Naleziesz mje vszędze, chdze skrę Ormuzdovę sę żołą, naleziesz mje vszędze, chdze dęch Kaszeb podnoszo vjeko tremę, kjej będziesz choł. —

„Remus” — Na Pustkovju.

Vjic wudzirzë decha, bjei za Njim njecec płome, wotroku Pomorskji!

J. Rompskji.

Jan Trépczik

## Tobje, Mestrze ë Szkolni naj

(sp. dr Majkovskjimu)

I.

Zadėrgałě zvone churę

Serca zjimô smutk.

Zadėrgałě żolu spjevę

Jivru vječni skutk.

Rozzibałě sę drzewjęta,

Rozplakoł sę blón,

Rozjiscelě bratovje sę —

Skuńczel sę Tvój gón...

Wostavjel jes naji rėgji,

Njechoł jes ten svjat,

Be ju v karnje Starkov swojch

Mjec spoczink statat.

Rodnô Zemja przėgarnje Ce

Ta nodręszô z Nenka...

Biszkajacë Ce do spjiku

Rzeszi z Tobą zdenk.

Bjei, oh Mėstrze, naji Szkolni —

Zavołoł Ce Bog!

Jô na drożeszczę Ce skłodom

Moję teżę kol nog...

MESLE,

Dze proche leżą, co mają vev se statecznosc Rodni, tam nje wobstrojivej jich vjeka lėdkjim grzechę: zabecim!

Bo v prochach nech blasko godło njeskazelnotę decha! V njich vjeznosc žęje tvojiho słowa! — Njech damjenjé jech je dlo ce signarką (hasłem) zgrově!

R.

# Testament...!

(Vejimk z „Žěcě i Przigode Remusa“ Majkovskjiho)

Wuszed do vjecznosce sp. dr Majkovskji! Nje žeje naj tezevortni, mijileczni Mester, jak mē, Zrzeszińce, Go v lubjenjim zevelē.

Wuszed do Boga, ale wostoł Jeho Děch mji-dze nama, Jeho vjalgi Děch mjełotě Tatczegnē, dlo chterni Jeho žěcě belo jednā gromjistā bjotkā, grędavim duktę remusovim.

Wuszed do vjecznosce dregji Cenova! Wuszed Mester, ale wostavjeł svojim szkolnikom vskożę — testameńt v dokozach „Remusa” i historeje. Vskozoł nom drogę, szlach, z chterniho, dej Boże, nje zińdzemē. To njech mdā słowa, chternima Go żegnajemē.

— — — — —

Za kjile pocerzi Marcijanna zesła i do mje tak povjedza:

— Jidzē do gore, Remus, bo won be rod z tobā pogodac choł. —

Dzivno mje sę stało na takji słowa, alem sę vzał i sied. Kjej jem na skrzepjaci veszed stępienje v gorę, tej jem wuzdrzoł pod wustrzechā, za kozlę zatchlā, bronjā rozmajitiho sztoltu, jak mje no Mjichol spomincl. Ale moja wuvoga bela vjęcij zajętō pitanim:

— Ceż tē za tima dvjierzama wuzdrzisz, za chternima teli lōt zamkli sedzoł stroszk? — Chteż je ten „won“, wo chternim Marcijanna rzekła, że chce godac?

Z takjima meslama v głovje veszed jem i pochvoł Pana Boga. Wodezvoł sę człowjek, leżaci na bjołi poscele. Bładi vēzdrzoł jak scana a vēschli jak drzozga. Ale na skarnje kvjitił mu czervjoni roże. Wocze swoje dużē won ve mje vlepjeł, jak be mje z njich spolec choł i długo nje rzek słowa. Kureszce zaczoł movjic głosę cechim i głębokjim, chteren jak ze za scane na mje sied:

— Tē jes ten, co na Golijace dobeł? —

— To belo za knopjęcech lōt! — wodrzek jem

Tak won pokozoł na scanę rękā, a jō wuzdrzoł tam povjeszonā moję puszczołkę, za chternā so beł nimi czasi wocze vēpatrzeł. Po chvjile won zнову spitoł:

— Tē jes vjidzoł krolevjonkę pod korenovanā jarzębjinā?

— Jō ję vjidzoł!

— Tē jes vjidzoł trzē wukozkji, chterne bronjā zaklętiho zomku?

— Vjidzoł jem Trud i Strach i Njevorto! — wodrzek jem, a dzivno mje belo, skądk won to vszetko móg vjedzec. — Sadnjē! — rzek won do

mje — i godej ze mnā bos mje brat z decha i moj czężor v spodku veznjesz!

Ale jō wodrzek:

— Jakuż jō mom z vami godac, panje, kjej jō wod kolebkji mom jęzek skażoni i njicht mje nje rozmji, le naszi ledze na pustkovju?

A won sę przēslechoł moji godce i rzek:

— Daleko jem po svjece vanożel i nadstovjoł wucho rozmajiti ledzkji godce. Movjē pomału, a jō ce rozmjoc będę. Tec movjisz naszā wojcovjistā godkā kaszebskā a nje cezā.

Tej nje żdajacē jaż co rzekę, jał movjic:

— A vjesz tē chto jō takji? — Nje vjesz, chłopku, i prožno pitom. — . . .

I vēcignol do mje ręce jak papjor bjołi, modrima żelama przetchani i rzek:

— Zdrzē na te ręce i boczē, że wone vjele kręvji ledzkji przelevaļē.

Vdrig mje strzās, a won to vjidzacē wuspokojeł mje:

Nje boj sę! Krom teho nje sā to ręce mordorza. Bo kjej jem przelevoł krev, to za svobodę i szczescē braco v spravjedlevecch vojnach. Ko vjem, że i tē, małim jesz knapskem bivszē, doł jes sę na Golijata i na njim dobeł. Boczē i jō sę bjił z takjim Golijatem, le ten tvoj wożel, a moj wostoł ju trupem na placu. —

— — — — —

— Njeżol mje, że wumrzec muszę. Dżekuję Bogu, że zemja moja kaszebsko na wodpoczink vjeczni przęjimje moje kosce. Rodbem jesz teli żel, żebe tobje v rękę dac njitkę, po chterni tē bes daliј sied ku kłābkovji. Bo cebje vēbra krolevjonka pod korenovanā jarzębjinā, jak mje. Vjedzē, że i jō ję tam vjidzoł! —

Ale jō nje rozmjeł dokād won cignol svojā godkā i mu to povjedzoł. A won wodrzek:

— Zrozmjesz pozdnij! Rzekę ce teli: Kjej jem jachoł wokrętem po vjalgjich morzach, vjidzoł jem dzivnē, z dna morskjiho, roseacē njibe drzeva. Ale to njizodne drzeva, le budove morskjich stvorov, chterne wuczali ledze znajā. A zevjā te budove koralama. Koždē jich pokolenjē zbuduje kavalusz: teho drzeva i wumjero, a navetk jich grobe sā czāstkama jich budovē, roscacē vjedno v gorę ku njebu i slūncu. Po nejprzeliczonech pokolenjach drzeva koralové dosignā kureszce vjehrzu wodē. Tej na njich wusadnje zemja, a rēka Boskō zaseje na njizvjerzeta i roslene. Boczē, chłopku, że v ledzkjim svjece na ten przikłōd sę dzeje. Nje wod razu



z głębokjiego dna swjata budowa ledzkô wurosce do vjidu, be Pon Bog napjisoł swoje dzeje. Ale mnogji pokolenja procovac i wumjerac muszą, be drzewo jich żewota dosigło potrzebni vészavě. I ledzkji dzeje mogą jisc taką drogą: Věrosce norod na vjehrz i postavji zomk svoji chwałě. Ale dune i vjatre morskji zaleją go i zdrzuca v głębję, z kąd vészed. Zapadnje zomk i trzeba proce vjele pokolenji, żebe go vėdvijnac na vjehrz. — Jô pudę do grobu, a te pudzesz mjidze ledzi i procovał będziesz nad vėdvijnjenjim zapadliho zomku. —

Ale mje sę smutno zrobjeło na te słowa i jem wodrzek:

— Chtęz jô jem bjedni pasturk i parobk, żebe vészę robotę, panje, vzać na se!

... Slovo moje cezim ledzom jak granjě vjatra v sechach vjetvach. Kjej sę wodezvję, tej sę smjoc będa, a kjej jech namavjac będe, rzeką, że m głupi! —

— Cez ce rzekła krolevjonka pod korenovaną jarzębjną? — Przęboczě sobje! —

— A jô sobje przęboczěł ji słowa:

— Nje wuvożej na svoję małosć i żorotnosć i wudzirzě serce do vjalgji spravě. Zdrzě jak peszni ten zomk! Kjej zloti moj bot postavję na jeho stępje, znikną te bore vkoł, a vėroscą chate szczeslevec ledzi, co żdają zbavjenjo, jak jich krolvō. Vstanje njevjadomi svjatu lud, wo chternim dzeje dovno pjsac woprzestalě i znowu worac będe zemję i żoglama jezdec będe po wodach. Tej przęboczł sobje svjat, że lud takji żel v czasach dovno minjonech i dzevjic sę będe, że znowu żeje. —

— Wudzirzě serce, Remus, i boczě sobje, co rzekła krolevjonka. Njimom sełě, żebe z tobą godac vjęcij, ale kożę ce zavołac, kjej będe trzeba. —

V njedzelę pon Jozef mje znowu kozoł przinć.

Tej zaczoł mje wopovjodac tak:

— Wod nomłodszech lōt szukoł jem takji ksązkji, v chterni be napjisanu belě dzeje nasziho ledu kaszebskjiho. Alem takji ksązkji nje naloz v żodni ksegarnji. Kjej jem sę teho doznoł, tej wuvzoł jem sę napjsac nasze dzeje som. Ale daleko wod wojczeznē njewubetk i vanoženjē nje dało mje leżnosce ktemu a teru, kjej jem vroceł, lampa mojiho žēcō gasnje. Co dzisi pjszē, to bojka, chterną ce povjem,

— Żebes tē tak mjoł vjid i mjecz! ...

— Boczě, chłopku, coc rzekę dzisi. Bog vje

czě jesz roz przē takji sele z tobą movjic będe.

— To je vizerenk naszi wojczeznē! — rzek pon Jozef.

Potim kozoł mje blezij przēstapjic i jał vėkłodac:

— Te dva krąconē czornē drogji, co jidą z połnjo ku noce to dva vjalgji rzekji: na vschodze słuńca Vjisla, na zochodze Wodra. Tam, chdze Vjisla bjeży v morze, mosz Gduńsk, tam chdze Wodra, mosz Szczeceno. Zdrzě jak linijo morzō podbjego tępim klinem do wuscu Wodrē i boczě, że przeszedzě rzekę tę na levi brzeg, vjedno jesz stojisz na dovni zemji kaszebskji. Bo wona sę cignje po gorach bołteckjich jaż bezmała tēde, chdze stoi Berlin, stolica Njemcov i miasto Roztoka, njedalek morzu. Wod połnju sznur Vartē i Notecč, jaż do kolana Vjisłē przē Fordonje a wod noce morzē: to starodovně granjice naszi zemji kaszebskji. Na połnjē zemja sę z nią łączy polsko, z chterną vołą ksążęt najech i norodu jedną tvorzelasma Rzeczpospolitą. —

— Takji duży beł nasz kraj i vjele v njim żelo ledu i panov i ksążęta vlosni njima rzadzēlě. A bele Kaszebjji bogati na lądze i wokrętama vlosnima jezdzelē po morzu i vojska żelaznych vjedlě rejimeńte i mjele vołą. Budovelē vsē i mjasta. Cezech przējimelē goscennje a njeprezejoceli wumjelē pobjic i vėnekac z kraju. — Tak ma vėzdrzała dovnji, szesc set lōt nazōd. A dzis co momē? —

I przėkreł dvuma rękama plachę na vizerenku i rzek:

— Teli nom wostało z dovni chwałě.

— Boczě! Tam dalij ku Wodrze nasza mova ju vėmarła. Tam braco naszi poddelē sę porządkovji i pravom njeprezejocela. A ti, co jesz żeją i movę a wobeczoj wojcov tu nad Vjisłą i morzem zachovelē, ti ju vszesce wuroslē v njevole i njevjedzą, jak beło dovnji i co jim słechało. Sasma, jak serote na pańskjim chlebje, co nje vjedzą, że jim słecho panovanjē a nje seroci chleb.

... Njech cę to nje dzevj! Żēcē ledzi i norodov vjęcij je bojką njize sę zdaje. Meszłā, że jidą svoją vołā a to ręka Bosko jich provadzi, jak gvjozde po drogach le Bogu vjadomech, Tē i jô i vszetce na tim pustkovju mają swoje drogji pjsani: Trzē krokji przed sebję vjidzą, ale mēla dokąd jisc muszā, nje vjidzā. — Povjem ce tę bojkę wo dzejach kaszebskji:

— Bjołi dēch Ormuzd i czorni dēch Ariman, a po naszimu Smętk, zeszlē sę v zemji kaszebskji na gorze Revkole, co na morzē patrzi i dzieli tich bra-

cu, cò ku Wodrze cigną, wod tich co lgną do Gduńska. I wobroceł Ormuzd vjidni jak słuńce wocze na njebo i morze i ład i povjedzoł tak:

— Ten kraj, to kolebka i trema. Ten lud won wumar a żeje. Na bjoli Arkonje stolemni kaminje, po chternech vanoži sin dovnech Veletov z vëstedzoną deszą, modłaci sę Bogu godką svojech vrogov, som vrog krëvji svoji i głechi na skargji, co vëchodzą z mogił, Nad wuscama Vjislë i rebok i rataj, zgorbjali ku zemji i tćaci ikone przëvëdrov i gosci, a svoje rzucivszë do smjeci. Jò ale jim zbudzë zpod kamjannech mogił ricerzi i vodcov i rozżołë płomiń wod bjoliho Helu po Stopjenni Kamiń, be wozele v moce i chvale.

I wodrzek Smętk:

— Smjerc jich i zguba to dobecé moje. Pod Grifovim znakjem bjezelë morzama: Pjorunë jich mjeeze a żogle jich skrzidla! A vjińcem gardov wogrodzelë wubetk vsov i kontin. Przistanje nad morzama to zdrzodla jich złota. A purpura złotò spjevala jich chwałę ze szczitov jich kontin i bjolech remjon jich dzevczat i njast. —

Ale jò do njich spłavjel z kamjanniho nortu zbujnikov głodnych na mizernech szkutach. I v granjice kraju jò vbijł jich jak klinem i podpar jich mocą. Im szed przed jich vojskjem jak gradovo chmura. A szpjegama szlë i Zozdrosc i Zvada. Jò mocni rzëde jich rodov i plemjen rozrzeszel na snope a snope postavil na procem sobje, be zdobivca z nortu mog żelaznim botem przeńsc do njich ku słuńcu. Duńskjiho żołnjerza rëkama jò spolet Rujańską Stanjicę, a Svjetovita stolemni posag rznął jem na zemję, a z jeha rzezba pokretech członkov wutluk jem vjore v wogjin pod gronkji żołnierskji stravë. — I ju jich njima, pesznech Veletov. Bo rzëdama leżą v kamjannech grobach wod Matkji Rede do pjoskov Helu. Le szarò chmara njesvjadomech gburow i rëbokov bjednych na smjerc sę sposobji. Bo kaminji czvoro mechama wobroslech i si-cena dużo, co ve vjetrze žëzi na pustim wugorze, to grob jich panov.

Ale nje rzekszë słowa Ormuzd vëcignął rëkę i zpod groboviho kamjenja vëdobel gorse prochu bohaterov i soł go jak sevca seje zorno na przëchodni žniva ku vschodovi słuńca i zachodovi, ku nortu i połnju. A proch szed ku zemji, jak roj gvjozd, jak żolące skre. A chdze spadla skra, tam vëstrzikol wogjin ze svjëti zemji i łączel sę z wognjem v płom.

A Smętk sę skrzëvil i lisnął zlim wokjem i si-gnął v dzurę strepjaliho vjaza. Tam sadzoł sęp stari. A won ho vzał na dłoń, rozvjinał mu skrzidla i pjoro za pjorkjem vërivajac puscel zlem vjatreu za skramia. A sępovë pjoro ku zemji spodalë,

## Nokoz Zrzeszińcom

V sobotę, dnja 26-ho strumjannjika t. r. wo godz. 20-ti vjeczor na vdor 57-mi roczezne smjercë Florjana Čënovë, vojca narodni deje Kaszebov — vzevaje sę vszetkjih Zrzeszińcov do złożenjô poczestnoscë kaszebskijm knjezom z decha, Čënovje i Majkovskijmu, przez vstanjë i jednominutové milczenjë.

Nokoz v mjonje deje Zrzeszincov  
v Kartuzach, 14 gromjicznjika 1938 r.

a z koźdihog ległë sę sove i sępe. I szarim skrzidlem padalë na wognje i gaselë płomiń.

Ale Ormuzd bjoli nje woprzestoł soc svjëtech prochov na kaszebka zemję a skre padalë krom sov i sępov, jak roj gvjozd. —

— Rozmjol të mje? — pitoł po długji chvjile.

A jò wodrzek:

— Będę skrą Ormuzdovą! —

— Pudzesz tede — rzek — i wodvjedzisz wostatni granjice, chdze movją naszą godką. A będziesz zadovoł pitanjë:

— Chcoł të przenjesć krolevjonkę przez głëboką wodę!

A chto ce wodrzecze: Chcę! — ten je jedną skrą Ormuzdovą vjęcij. Przindze czas, że jich będzie teli jaż zbijją sę v płomiń szerokji nad grobama bohaterov naszich i społa sove i sępe. Tej vińdze z chwałą zapadli zomk a v njim zasadnje na trónje zaklëtò krolevjonka i zapanëje na zemji naszi svoboda i wubetk i szczestlëvosc. —

Po tich słowach leg na vznak jak njezevi, ale doł mje rëką znac, żebem szed.

Jakbe na wodpovjedz zagotovało sę v storim zegarze i zaczęło bjic. Bëła to pravje wosmò godzona z vjeczora...

...Kjej ju vszesce wodeszlë zmovjivszë pocerz za deszę wumarliho, jò sę vroceł, i wuchvezoł rëkę wumarliho, zbjednjalą, pocałovoł ję i przësag:

— Vëpełnëj tvoję żeczbe i będa skrą Ormuzdovą!

... A stari zegar jak trup v gorze na mje vze-roł, bo jeha bjegas stanął. Chcoł jem go chiże popchnac, ale Mjichol zatrziმოł mje rëkę i rzek:

— Wumar pon, Njeh stoj! czas! —



# Przednictwo kaszebskich zajmow przeszło na zrzęszinco

Kaszebski knjez z decha dregjigo pokolenjô spoczł v grobje. Hevo nad grobę wodzela też tradicejnô ceremonijô chovanjô knjezov:

Kjej pjervij trêmę z knjezem zloželë do grobu, povjernik ksążeca cesnł szłom i torczę v kulę, co znaczec mjało, że ze smjercą knjeza kuńci sę dzěl dziejov knjazestva. Le nostarszi sin zmarliho knjeza vskoczł do grobu i vëjł szłom i torczę. A kjej zmarli knjez nji mjoł sëna, naloz sę vjedno takji, co vskoczł do grobu i vëjł szłom i torczę, pokozoł ję ledovji i vskozoł, że v jinszych stronach Pomorski jeje jesz knjez, chternimu ta barń sę noleži. Z grobu wostatniho knjeza pomorskiho, Bogusłova XIV, co wumar v roku 1637, njicht szłomu i torczę nje vëjł. Wod ta czasu ta ceremonijô szła v zaboczenjé.

Le wodzela znova nad grobę przednjika norodnech zajmow dregjiho pokolenjô. Wodzela zgodno z volą ë żeczenjim Jeho, co zrzęszinco vedle nolepsi vjedze i sëmjenjô spëlnilë:

Kaszebską stanjicę z Czornim Grifę, co na pół masztu zvjastovala smjerc sp. Zmarliho nad domę żałobę, z chvjilą vënoszenjô trêmę zrzęszinco zjęł z masztu i wokrelë nją trêmę. Nad grobę zjł z trême stanjicę zrzęszinco Jan Rompski, chteren, trzymając ję v ręce, wodspjevoł himn pogrzebové zrzęszinco: „Kaszebskô rodnô zemjo...“ Kjej skuńczł spjevac, rzek:

„Wumar kaszebski knjez z decha. Kuńci sę dregji pokolenjé norodnech zajmow. Na znak teho — njech ta stanjica jidze do grobu!“

Le skorno stanjica spadła na trêmę, vskoczł zrzęszinco Jignasz Szutenberg do grobu, vëjł stanjicę i rzek:

„Stanjica vëjëtô z grobu. Rozpoczinô sę trzeci pokolenjé norodnech zajmow. Vedle volë ë żeczenjô sp. Wumarliho vzevając cebje, kolego (zvrocł sę do zrzęszinca Aleksandra Labulë), żebes tę stanjicę przëjł i strzeg njeskazitelnoscë norodni deje v kaszebskich zajmach.

Rozvjinelë stanjicę, a zrzęszinco Aleksander Labuda z pravą ręką na stanjicę zložł taką przësegę:

„Nad prochami sp. Wumarliho, dr Aleksandra Majkovskjiho, kaszebskiho knjeza z decha, przed Bogę v Trojce Przenosvjętszi przësigając mjonę zrzęszinco na tę Stanjicę, na Czorniho Grifa, że vedle volë ë żeczenjô Wumarliho starżę mjec będe nad njeskazetelnoscą norodni deje v kaszebskich zajmach trzeciho pokolenjô — do kuńca miho žëcô. Tak mje dopomożë Bóg!“

Tak to zrzęszinco vedle vole sp. Zmarliho vzëlë na se przednictvo wodrodë Kaszeb i Vjalgi Pomorski. Vzële na se grędi wobovjżkji, a razę

z njimi poczestną spuszczną dejová dvuch pokolenjov: Pjerszi pokolenjé — to Cënova; dregji pokolenjé — to Młodo-Kaszebski; trzeci pokolenjé — to Zrzęszinco. Cënova je wojcę norodni deje Kaszebov. Som jeden wobstojoł za pierszi pokolenjé, bo procą swoją wotemk i zamk dzěl dziejov Kaszeb. Dopjerze po czvjere vjeku przejł po Cënovje norodną deję dr Majkovskji. Proco Jeho zameko dregji dzěl dziejov wodrodë Kaszebov. Kuli beło vëznovco norodni deje woko- ma dr Majkovskjiho strzod młodokaszebov nje vjemë dokladno. Vjemë le teli, że som nje beł.

Chto czetoł „Remusa“, doznac sę może, że Majkovskji przez vjele lat szukol „Ormuzdovych skrov“ vstrzod młodech Kaszebov, chternim be mog przëkozac i povjerzec przednictvo norodnech zajmow. Naloz je v zrzęszincoch, co sę nje zbojelë straszëdlov, chternim na jimję: „Strach, Trud i Njevorto“. Svoje deje naloz v dejach „Zrzęszë“. Jak baro ję wulubjel, njech svjodczy fakt, że vëstapił z Gryfa — a pjisivoł v „Zrzęszë“. Nje vjemë dokladno czë noprzod zrzęszinco nalezlë svojio knjeza, czë też knjez wodnaloz noprzod svojich zrzęszinco. Jak Jozef maliho Remusa, tak Majkovskji wucł zrzęszinco vjalgi deje. Zrzęszinco som so vëchovel do vjalgi spravë, povjerzł jima spuszczną dvuch pokolenjov i przëkozoł vjalgą deję, chternę provadzec muszą przez trzeci pokolenjé.

Do zrzęszinco to pjisol v natchnjenjim:

„Nje wuvożej na swoją małosc i żorotnosc. Vëstrzelë wokjem ku svoji gvjozdze a wudzirżë serce do vjalgi spravë. Zdrżë, jak peszni ten zomk!“

## Żałobni komers

Dnja 19 gromjiezniaka wo 20 godz. korporacejô „Pomerania“ v Poznaniu wodpravja żałobni komers na tczę sp. dr Majkovskjiho, chteren beł jeji członkjem. Wuroczczna vedle zveku wodbela sę bez vjidu przë jedurni svjece — simbol wumarliho. Do stołu zasedle korporance. Przed kożdym stojoło czorni pjivo. Zaczëło sę wodspjevanjim żałobniho himnu Horaciho — „Integer vitae...“ Krotkji boczenjé wo Majkovskjim doł Kaszeba korporant Bol. Torliński. Po boczenjim Torlińskjiho jeden z zaproszonech zaspjevoł na tczę Wumarliho „Kaszebskô rodnô zemjo — Trëpczika, tej stojąco beł szteruszk ciszë. Po tim prezes korporaceji vëpjel Wumarliho pjivo, co stojało przed njim, i rapjerzë stłuk szkło. Skorepe wobrani woblepjelo sę napjisanim zevjiszczë Wumarliho — simbol skuńczonih żëcô. Komers skuńczł sę vëpjicim jedniho czorniho pjiva.

# Knjezovskji pogrzeb Majkovskjiho

Pogrzeb wumarliho 10 gromjicznjika sp. dr Majkovskjiho beł 14 gromjicznjika z żalobniho mjeszkarnjiko. Wo godz. 9,40 kana trëma Wumarliho na pargu swój chęczë. Padła komeńda wodcë szpaleru K. P. V. karteskiho: boc! Przede se barń! Przeszed knjez decha i kanał na marze, wokreti żęczoną stanjicą z Czornim Grifę. Ciszo, statecznosc rozplachca sę nad tą knjezovską tęczą. Zvękla muzika żolobniho marsza, rozleg sę trenovi spjev ksidzov — szed Wodca na wostatną bjotkę wo mir... Wodprowadzoł go lud, chteren też na nokolach wulicov żdoł i sę parłęczel z kondektę v postępnj drodze do koscoła.

Na przodku szła muzika kolejorzov chojnjackich, dalij krziż, koscelni chorągvy, za njima vëselnje (delegacje): szkolniho P. C. K. ě knopjët szkołë povszechni, wucznojovje i wucznojorkji gimnaziji. Za tima zaczińoł sę cig vjińcov vëselnjov: Zrzeszë Kaszebskji z kaszebkama v norodnim stroju kaszebskim — Zrzeszińcov, chternejch vjińc wustrojoni czorno-żółtoma vstęgama, na chternejch czetelejesmë; Wodcë Kaszebskjiho norodu — Zrzeszińce. Postępnj cig tvorzel vëselnje z vjińcama wurzędnjikov starostva, Wydz. Pow., Magistratu, kolejarzov i jinszech v wogłovi semje bez 20. Stanjic stovarovech beło 7. Za vëselnjama z vjińcama njosłë wojskovi na podeszkach wordele i krziże zasłęgi, tej szłë vëselnje korporacijov akademickich „Cassubia“ z Warszawy i „Pomerania“ z Poznania ze stanjicama i snożima vjińcama. Zevjiska na czorno-żółtech szerpach vjele vjińcov dovalo v nadpomknjenim całe žęcë Majkovskjiho: „Nie strudzonemu działaczowi kaszubskiemu...“ „Wodzowi ducha narodowego Kaszubov...“ i jini. Vjińc vastë Wojewodë pomorskjiho, Starostë dovaję mjileczni boczenjë kłonu Polskji novjeksizmu z Kaszebov, Vjińc „Konfraternje Artestov“ z noveszsizim jejech wodnacenjenim laurovim dło Mestra kaszebskjiho pjora — je tęczą pomorskjiho svjata leterarniho i kulteralniho. — V przodku trëmë szło dechovjeństvo v semje 8 ksidzov. Kondekt provadzel ks. prob. Vjisznevskji z Kolibk. Wumarlimu asestovelë po stronach wunornë K. P. V.

Za rodzezną szłë reprezentance: v. Wojewodë radca v. Karol Krefft — v. Starostë pov.: vicest. v. Budnik — i Pomorskjiho Starostva Kraj. v Tornju. Tej szłë kjerovnjice vszetkch wurzędov ě szkołov, dalij reprezentance svjata nowukoviho, kulteralniho leterarniho i budzorze Kaszebjiznë. Zameka kondekt długô lecka ledztva z Kartuz i dalszech stronov. Szed kondekt stateczni v glosach żalobniho marsza ě zvonov i trenov ksidzov — ferkotoł nad trëmą Grif...



Dnja 21 gromjicznjika 1938 wumar v vojskovi bolece v Tornju worganista

**sp. Klemens Grucza**

V Wumarlim tracimë belniho Kaszebe, brata-zrzeszińca.

Zrzeszińcë

Tęcza Jeho pamjęce!

## V koscele

po wodspjevanjim vjilijov ks. prałat dr Bieszk z Pelplina v asesce ks. vjikariho Landovskjiho z Koscerznë i ks. pref. Żelińskjiho z Kartuz, wodravjel wuroczestą mszę sv. żalobną. Po msze mjoł kozanjë ks. prał. dr Bieszk. Gromjisti głos kaznodzejë kreszel ledztvo v koscele: „... Stanął zegjer remusovi... Wumar v Bogu... Wumar ten, co spjiso vjarę svojliho ledu v „Remusu“... Komu namjenjoni, teho nje minje... Kanał przed Bogę...“

Na końcu kozanja dzękovol kaznodzeja Wumarlimu za Jeho tredzenjë, za mokleznę, bo Pomorze przë Polsce, to Jeho, Jeho dzielëk procë. Won sparłęczel cząstkama svojji jeste Bjoliho Wozła z Czornim Grifę v jedno lubjenjë...

Postępnj ě końcu vatk pogrzebu wodpravjel sę **na smętorzu.**

Po ceremonijach koscelnych przemovjel v. radca Krefft. Godoł v mjonje v Wojewodë, chteren njimog przinë som na pogrzeb. Z ramjona „Konfraterni Artestov“ i leterarnikov Pomorziho godoł v. mgr. A. Bukovskji z Tornja. Po tim zrzeszoni chure Lutnjë i Ceciljë wodspjavale „W mogile ciemnej“.

## Zrzeszińce

woddovaję tęczę (zdrzë art. Przednjictvo kasz. zaj. na str. 19). — Kana trëma v lubni dzarni, spji v vjeznim wodpocznenjenim Majkovskji, wostavjivszë nana gromjistą signarkę lubjenjõ ě starzenjõ Tatczeszë.

Vječné wodpocznenjë dej Mu Boże! Njeh kaszebskõ zemja wubjiskivivo notczevortnjesziho svojio Sena.

## Dzëkujemë!

V. Ł. T. za mjilecznë vespjër dzëkujemë serdeczno.

V. T. G. za roczni abonament ě vespjër i słowa wuznanjio baro dzëkujemë. Redakcejõ.

## ERRATA

V nrze 1. VI. v art. v. Roppla na str. 3 v. 8 z końca art. zaszło przejinaczenjë zevjiszczë. Je Ł. Ł. kasiewicz, mo bec Łukaszewicz. — V nrze 2. te samio art. str. 11 v. 12 z gore po słovach: „i ja go widzę“, wopuszczoni je zd.: „ale tuż po nieudałym napadzie na Starogard, gdy zwątpił w odrodzenie Polski“.

Tłukjem Zrzeszë Kaszebskji v Kartuzach